

Օրվա դասի պլան

/Բաց դաս/ 6/12/ 2023թ.

Վայոց ձոր մարզի Սարավանի հիմնական դպրոց

Դասվար՝ Մարիամ Հակոբյան

Դասարան – 1- ին

Առարկա – Մաթեմատիկա

Թեմա – 1- ից մինչև 5 թվերը և նրանց կազմությունների ամրապնդում

Նպատակը – Թվանշանների և թվերի անվանումների կատարելագործում, թվերի կազմությունների ամրապնդում, միանիշ թվերի հետ գործողություններ կատարելու կարողությունների ձևավորում, առարկաները համեմատելու, իմբավորելու, համարակալելու կարողության զարգացում:Խմբային աշխատանքում բարեվարքության կանոնների պահպանում , կամային որակների զարգացում:

Վերջնարդյունքները – Համեմատի, տեսակավորի, համարակալի առարկաները ըստ հատկությունների, կռահի և պարզի տրված օրինաչափությունները:Ճանաչի և կարդա անցած թվերն, թվանշաններն, իմանա անցած թվերի կազմությունները, կատարի գումարման և հանման պարզագույն գործողությունները, ճանաչի գործողության նշանները ,գրանցի թվերի համեմատման արդյունքը նշանների միջոցով:

Դասի ընթացքը

Ուսուցիչ	Սովորող
<p>. Ներկայացրեց դասի հիմնական նպատակը , ներկա դասալսողներին տեղեկացրեց մաթեմատիկայի դասաժամին առաջին դասարանի սովորողների նախնական ձեռքբերումները ,որ պետք է ներկայացվեր սահիկաշարի միջոցով:</p>	<p>. Ոգևորությամբ ներս մտան համակարգիչների դասասենյակ , սիրով պատրաստվեցին խմբային աշխատանքի և պատասխանեցին իրենց ուղղված հարցերին: Ներկայացան իրենց դասալսողներին անկաշկանդ:</p>
<p>. Դասը սկսեց երեխաների մուտքով համակարգչի դասասենյակ: Երեխաներին նստեցրեց խմբերով ընթացքում խմբային աշխատանք կատարելու նպատակով: Առաջին սահիկների ցուցադրման միջոցով կրկնել տվեց երկրաչափական պատկերների տեսակները, գույները: Ուղղի վրա առաջարկեց անվանել պատկերները ըստ օրինաչափության, նաև հատկություններով:</p>	<p>. Առաջին սահիկների ցուցադրման ընթացքում ակտիվ անվանեցին երկրաչափական պատկերները, գույները, թվային ուղղի վրա կռահեցին պատկերների հերթականության օջինաչափությունը, տարբերություններ, հատկությունները: Կատարեցին խմբային աշխատանք՝ դասավորելով երկրաչափական պատկերները ըստ ուսուցչի հրահանգի:</p>
<p>. Առաջարկեց կատարել խմբային աշխատանք երկրաչափական պատկերները համարակալելու և անվանելու վերաբերյալ: Առաջադրեց հարցեր անցած թվերի վերաբերյալ , կազմակերպեց խաղ «Թվերի խառնաշփոթ»», որի ժամանակ սովորողները պետք է շարվեին թվերի աճման և նվազման կարգով:</p>	<p>. Արտասանեցին թվանշանների վերաբերյալ ոտանավորները, աշխույժ խաղացին ուսուցչի առաջարկած խաղը, կատարեցին եզրահանգումներ թվերի աճման և նվազման վերաբերյալ: Աղյուսակների միջոցով անվանեցին իրենց անցած թվերի կազմությունները , վերլուծեցին սահիկաշարի ներկայացրած առաջադրանքները, լուծեցին խնդիրները:</p>
<p>. Կազմակերպեց տարբեր խաղային առաջադրանքներ սահիկաշարի ցուցադրման ընթացքում «Փակիր աչքերդ և անվանիր թվանշանները» և այլն: Առաջադրեց առաջադրանքներ թվերի կազմությունների վերաբերյալ , խմբային աշխատանքում հետևեց կանոնների պահպանմանը, ոգևորեց երեխաներին առաջադրանքները կատարելու ընթացքում: Ավարտեց կշռադատման փուլը հարց ու պատասխանով , ամփոփեց դասը:</p>	<p>. Առաջադրանքները կատարելիս պահպանում էին խաղերի կանոնները, խմբային աշխատանքում բարեվարքության կանոնները: Թվանշաններով խմբով աշխատելիս, կատարեցին համեմատություններ , օգտագործելով համեմատություն նշանները: Ֆիզկուլտ դադարից հետո շարունակեցին ցուցադրվող սահիկների առաջադրանքների անհատական կատարումը: Պատասխանեցին ուսուցչի առաջադրած հարցերին, ամփոփեցին իրենց տպավորությունները :</p>



